

62 Combe Down, basis lapidea rep. a. 1854 in the burial ground. Servatur in museo. Litterae nec bonae sunt nec accurate incisae.

PRO · SALVE · IMP · CAES · M · AVR
ANTONINI · PII · FELICIS · INVIC
TI · AVG · N · NAEVIVS · AVG
LIB · ADIVT · PROCC PRNCI
5 PIA · RVNA · OPRESSA · A SOLO RES
TITVIT

*Pro salute imp. Caes. M. Aur(elii) Antonini
Pii felicis invicti Aug(usti) n(ostr)i Naevius
Aug(usti) lib(ertus) adiut(or) proc(uratorum)
principia ruina opressa a solo restituit*

Descripti. Scarth *proceedings of the soc. of antiqu.* 3, 1855 p. 149, *archaeol. journ.* 12, 1855 p. 90. 178, *Somersetsh. archaeol. soc.* 5, 1855 p. 138, *assoc. journ.* 18, 1862 p. 289 ss., *Aq. Sol.* p. 75.

3 Elementum, quod post Augusti vocabulum legitur, evanidum est, sed aut M fuisse aut N perspicitur; hoc solum aptum est. Principia indicant castrum aliquod militare ibi prope Bath situm fuisse.

63 Prope Camerton ab Aquis m. p. VI fragmentum rep. a. 1814 iuxta viam Romanam *the Foss Road*. Videtur periisse

AIIVS
ON DEDIT
severo ET QVINTIANO COS

p. C. 235

Scarth *assoc. journ.* 18, 1862 p. 304, *Somersetshire archaeol. soc.* 11, 1863 p. 181, *Aq. Sol.* p. 79 ex epistula Skinneri ad Sam. Lysons iun., quam hic servat, et ex adnotatione in exemplo Horsleii a Leman adscripta, quod servat museum Aquense.

Alterum Scarthii exemplum hoc est APIVS CONDEDIT BASSO ET QVINTIANO COS (p. Chr. 289); illi magis confido.

64 Pitney prope Somerton; inter parietinas villae rusticae splendidae a. 1828 etiam fragmenta titulorum haec reperta sunt.

a PATER
PATRI
SANC

b VIXI SIN^e uila querella
TRIGINTA
QVAE CAPI
NONO · A

R. C. Hoare *the Pitney pavement* (1831) p. 18. 19 (inde Th. Wright *the Celt* p. 201); Phelps *Somersetshire* 2 p. 157 in tab. ad p. 171.

X. DVROCORNOVIVM

(Cirencester).

Accedunt Chedworth, Custom Scrubs prope Painswick, Hearsleywood, Daglingworth, Lasborough, Woodchester.

Quod in itinerario Antoniniano in itinere ab Isca Callevam (quae ambae notae sunt) et a Glevo (quae est Gloucester; cf. supra n. 54 et titulus urbanus Mur. 872, 4 ubi *Glevi* scriptum est) m. p. XIII ponitur Durocornovium (p. 485, 5 cf. Ravenn. 5, 31 p. 424, 9 *Purocoronavis*, quod sane loco prorsus diverso videtur enumerari), id diu observatum est quadrare in hodiernum Cirencester, ubi oppidi Romani vestigia conspicua, muri, aedificiorum rudera, pavimenta tessellata (observata illa iam a Lelando loco ad n. 65 allato) supersunt. Nulla vero necessitate, sed novicii tantum nominis similitudine quadam incerta ducti itemque famosa Ricardi Corinensis auctoritate male freti antiquarii Angli Durocornovium non diversum esse solent putare a Corinio, quod Ptolemaeo (2, 3, 25) Dobunorum oppidum est quodque apud Ravennatem redit ita *Cironium Dobunorum* dictum (5, 31 p. 427, 16) et collocatum sane inter *Glebon Colonia* (p. 427, 12) et *Caleba Arbatium* (p. 427, 17) eodem fere ut in itinerario ordine (p. 485, 4 Clevo m. p. XV Durocornovio m. p. XIII Spinis m. p. XV Calleva m. p. XV). Sed nihil inde videtur consequens esse, nisi id quod per se non caret probabilitate, scilicet duo fuisse oppida vicina, per quorum utrumque ab Isca proficiscebantur Callevam. Duo enim inter utrumque oppidum in itinerario Antoniniano itinera perscripta sunt, et facile esse potuerunt etiam plura; observant antiquarii Angli situm esse Cirencester in trivio viarum Romanarum dictarum *the Foss*, *Erminestreet*, *Ickenieldway* (Goughs Camden 1 p. 410). Inde a saeculo XVI, ut dixi, continuo in oppido hodierno et in campis adiacentibus vestigia vitae Romanae eruderantur, in primis pavimenta tessellata, sed etiam signa aenea, anaglypha, alia (cf. Stukeley itin. cur. 1 p. 63; I. Price Archaeologia 7, 1783 p. 405; Vetusta monumenta 2 1789 n. 31; S. Lysons Archaeologia 9, 1789 p. 12 s. tab. 20 fig. 1—6; C. R. Smith ibid. 31, 1846 p. 461; Goughs Camden 1 p. 407 ss.; archaeol. journ. 6, 1849 p. 321 ss.; gent. mag. ser. II 32, 1849 p. 357 ss.; assoc. journ. 19, 1863 p. 100 ss.); tituli vero prodierunt non multi.

Praeter fragmentum a LELANDO observatum (n. 65), quod posteri paene omnes neglexerunt, STUKELEYUS et HORSLEIUS unum tantum noverunt

titulum sepulcrale (n. 71). Per Samuelem RUDDER (*a new history of Gloucestershire* cet. Cirencester 1779 fol.) et Ric. GOUGH unus accessit (n. 72); nuper fragmentum item sepulcrale detectum est (n. 70). Thom. RUDGE (*the history of the county of Gloucester*. Gloucester 1803 2 voll. 8) et G. W. COUNSEL (*the history and description of the city of Gloucester*. Gloucester 1829 8.) novi nihil attulerunt (cf. n. 72). Reliquorum titulorum tres annis 1835 et 1844 reperti militares sunt equitum alae Indiana (n. 66), cohortis VI Thracum (n. 67), alae Thracum (n. 68), quartus sepulcralis civis Sequani (n. 69), editi illi a Conrado LEEMANS Batavo in scriptis societatis antiquariorum Londiniensis, atque sepulcretum ibi fuisse docent militum numerorum eorum, qui in castris Durocornoviensibus videntur meruisse; castra enim non pauca ibi erant saeculo primo puto munita ad provinciae fines contra Silures tuendos (cf. I. L. Baker Archaeologia 19, 1821 p. 161 ss.; G. Ormerod ibid. 29, 1842 p. 5 ss.), uti ad *Kings Stanley*, ubi octo aerae Romanae non inscriptae, sed anaglyphis ornatae ex parte, genii, militis, aliorum, detectae sunt (cf. Goughs Camden 1 p. 397). Tegulae autem certo militares in ipso oppido nondum detectae sunt; prodierunt ita TC · M inscriptae similesque ita TPFC, TPFA, TPPF signatae ex locis vicinis. De antiquitatibus autem oppidi universis, quae nunc in museo urbano servantur (cf. rev. archéol. 1857 p. 315) consultatur liber a BUCKMAN et NEWMARCH editus *illustrations of the remains of Roman art in Cirencester* (Lond. 1850 4.; cf. Zeitschr. für Alterthumswiss. 1853 p. 88).

Addidi titulos locorum vicinorum Custom Scrubs (n. 73. 74), ubi in lapicidinis, ut videtur, tituli aliquot votivi reperti sunt aliis fortasse destinati locis, servati a Sam. LYSONS et a Thoma Dudley FOSBROKE, historiographo urbis Gloucester; Hearsleywood et Lasborough vicorum, qui sepulcrales singulos protulerunt (n. 75. 76) editos a RUDDERO et Alfredo SCUSE; denique pavimenti reperti ad Woodchester (n. 77), quod S. LYSONS delineavit accurate; item ad Chedworth et Daglingworth nuper effossos (n. 72a et b).

Mirum sane est, quod in Glevo colonia, uti nominatur in titulo Aquensi (n. 54) et apud Ravennatem (5, 31 p. 427, 12 *Glebon* *colonia*; Clevo